

四庫禁燬書叢刊編纂委員會

北京出版社

四庫禁燬書叢刊

集部第五一冊目次

石白前集九卷後集七卷

〔清〕邢昉撰
清康熙刻本

一

顧與治詩八卷

〔明〕顧夢游撰
清初書林毛恆所刻本

二八五

壯悔堂文集十卷遺稿一卷四憶堂詩集六卷遺稿一卷

〔清〕侯方域撰
清順治刻增修本

四〇五

石白前集九卷後集七卷

〔清〕邢昉撰

清康熙刻本

山東省圖書館藏

定鑒生先堂浸園

邢孟貞石白集

集 51-2

石臼集序

石臼集者明末詩人高淳邢先生孟貞嘗居石臼湖上因以名其集先生博學高才不可一世生遭陽九之運明社屋矣航線化離難於衣食凡有所觸於中飢饉無聊歎歌傷懷則一於詩焉發之昔謝康樂擬鄴中諸詩謂陳孔璋書記士故言喪亂爲多夫身遭喪亂卽王徐應劉皆當言之獨孔璋乎然觀蕭氏文選錄鄴中詩頗多而孔璋書箋兩檄外無聞焉當由其文言不韻或音多焦殺故逸之耳乃知孔璋以詩累喪亂非以喪亂累其詩也

石臼前集

序

蓋貴池劉城有是言予嘗賞之云爾今讀先生詩妻清悲壯山峙雲涌多溫厚之遺無怨誹之失具體少陵而出入韋孟錢劉以發其菁華才兼衆體誠名家也王隱曰古人遭時則以功達其道不遇則以言達其才而庾信亦云窮者欲達其言勞者須歌其事若夫先生志潔行芳矚然塵垢之外幾與楚騷爭烈矣先生沒已五十年詩益大重於世今高淳進士王君孚與兒子至同年譜於先生有葭莩親校定是集爲十六卷其作於勝國者爲前集九卷入

本朝者爲後集七卷將付剞劂而請序於予兒至

京中書來亦屢以爲言夫序先生詩者多矣予復何能益一辭也乃於其以石臼名集有慨焉先生無炊索米饑走四方卒賣志沒譬諸石臼受春者也今湖水清漣而無所用泌之洋洋可樂饑耶抑古來地名石臼者非一後漢郡國志常山國南行唐有石臼谷然章帝紀建初三年夏四月己巳罷常山呼沱石臼河漕詩不云乎高岸爲谷深谷爲陵此一石臼也時而河者時而谷固知陵谷有變而名不可磨滅也區區高淳帶水間出一詩人以

石臼前集

序

光昭斯土則文章之所留貽又豈有窮也與綿津山人宋肇撰

石臼集原序

往得孟貞詩於龍友喜其如春雲溶溶秋雲英英有可翫說不可攬採之意戊子秋采詩白下與治于皇告曰孟貞之詩成矣今之隨州長江也余讀之信然尤喜其古體歌行骨格老蒼敘事典質殆優入少陵之室深造而自得者也昔者微之之稱少陵以爲千古詩人之總萃元和以降作者代興波譎雲詭橫從穿穴靡不人鑄一少陵卽盧仝馬異亦皆得少陵之一支而少陵之面目不存焉迨宋之西江而翦刻露矣迨近代之北地而剽擬

石臼甫集

序

滋矣此皆從門而入蘄深造而未能自得也陶淵明隱逸詩人之宗也鍾記室品之謂其源出于應璩古人之詩其源流深長如是今學者思弋獲古人往往以勝氣出之以蒙氣蓋之庸可幾乎孟貞之殖深矣積厚矣其殆以少陵爲果位而隨州長江其分身示現與泰山之雲觸石而出膚寸而合不崇朝而雨天下春雲之溶溶也秋雲之英英也其殆將彌漫於是乎其殆將歸藏于是乎孟貞笑而起曰命之矣虞山錢謙益撰高淳邢孟貞與余交三十年初刻魯稽齋詩超然

清舉深相慕也于是竟陵執耳猶未自立漢幟偶

與楊龍友品藻時賢爲孟貞屈一指因訂交晨夕

無間偕游雲間與陳臥子李舒章諸人周旋久孟

貞詩一變而步趨不同孟貞所尚在太祝蘇州隨

州考功間上溯顏謝旁及郊島渢渢久之駸駸成

家矣生平不慕榮利不問生產不屑借交游以博

名譽落穆踽踽多否少可以餘力爲制科文非不

佳視青其矜若芒刺竟被斤顧有喜色性剛下一

語不合見色拂衣恥爲俯仰故終身無所遇窮賤

以老以予觀孟貞雖甘心隱約借令有負郭二頃

石臼甫集

序

二

構精舍數椽積書其間深居飽食以教子放意遠游不以饑寒內顧未嘗不以爲樂卒以貧病強出病甚以歸歸乃不起傷哉先是宣城施尚白與吾兩人言詩甚合數遺書迎致予困追呼不果行會孟貞來余執手語曰吾兩人索居有時實難爲別如尚白停雲何若家居不易吾兩人來會可卜子往矣孟貞遂行豈知渡口蓬牕遂與我友訣也傷哉尚白篤于友朋嘗言我當爲孟貞作計垂老小適當在斯人而孟貞不待矣傷哉孟貞旣死溫縣范正使君來聞夏邑崔正誼明府言愴然以不及

佳兒爲報刻其詩使君奇偉男子尚風義力能
扶植人時余在難自分且死使君獨奮袂起包胥
魯連口手並急卒白其冤借令孟貞而在其急爲
之謀必不下尚白而孟貞死矣傷哉然孟貞詩既
傳吾代千秋居然一席海內識與不識皆當想見
其人足以豪矣卽貧病以死視彼投贄曳裾走聲
名如驚裘馬奕奕殺青克棟自謂高視詞壇旣而
滅沒草腐者相越豈止萬里復何憾哉復何憾哉
金陵顧夢游撰

論詩者曰詩莫盛于唐非也詩蓋自唐而止也論

石臼前集

序

三

唐詩者曰詩必法盛唐亦非也詩蓋不自盛唐而
止也自此而止者踰跬步弗得焉如臨不測之淵
而惴惴懼其墜也不自此止者跬步弗踰隘也李
杜觀六代之樂至鄒以下始無譏也故由漢魏至
唐詩之變極矣詩可以弗漢魏而斷斷乎不可以
弗唐也由開元至大中唐詩之變極矣詩不可以
大中而斷斷乎不可以開元畫也是說也前此有
之至孟貞而鑿鑿不可破孟貞束髮攻詩始漢魏
迄宋元窮源歷變自謂已極而其持論蓋如此乙
酉冬始與孟貞稱詩兩人指歸各以自闕孟貞疑

余或岐之余亦疑孟貞或余岐而俱不以相告也
久之浸見弗岐矣又久之浸見岐有弗岐者矣然
後相視而笑苦甘冷暖之間油然以入焉故詩止
于唐而不止于盛唐孟貞之言亦余之言也詩可
以弗漢魏而不可以弗唐孟貞之言而非余之言
也蓋孟貞謂漢魏不可爲者也唐人惟不爲漢魏
故能臻于極後之爲漢魏者胥失焉余曰伯玉感
遇孰謂非漢魏乎子獨忘夫貌焉者所喜耳雖有
褰裳濡足之憂維予不以爲非也所謂岐而有弗
岐者也盛唐之不可爲猶夫漢魏獨至中唐而貌

石臼前集

序

四

者寡矣大中以下始同曹鄴耳故孟貞詩五言清
擬右丞左司也而綽約則錢劉刻厲則昌黎東野
盡致矣七言排宕歷落者少陵而新鄉嘉州文昌
仲初遞出也五言近體望昭于王孟變化于長江
七言近體文房爲宗極五七言絕句不名一家要
在貞觀元和之世也宣城施閏章撰

石曰前集目錄

卷一

樂府八十九首

卷二

五言古詩二百十首

卷三

七言古詩一百七十五首

卷四

五言律詩五百二十一首

卷五

七言律詩二百七十九首

卷六

五言排律二十三首

卷七

七言排律五首

卷八

五言絕句六十首

卷九

七言絕句一百二十首

孫登典校字

編次族人

逢玉超

發育之

柯月柯

皆鳳侯

楷端木

鼎榮晉侯

烈觀侯

樟雲翔

夢煜中儒

履聖儒

濤廣生

連生嘉

景慶天儒

峰廷森

亨庭煜

方慶端儒

復章斐生

兆申恒生

紹魯振伯

紹統斯萬

紹緒斯皇

紹麟書伯

紹綱斯朋

紹芳斯祐

紹箕斯永

石印集

石臼前集卷一

高淳邢 昉孟貞父著

後學

商丘宋 至山言父

同里王 孚顯若父校

樂府

長安道

大道引鳴珂西京甲第多南山通御氣渭水象天
河玉樹宮中隱章臺月下過更聞楊與馬辭賦激
頽波

糶穀謠

仲夏焚巫庭龜甲遍原臚十日穀價高乃與山嶽
伍人生有積穀不須腰下組列困開前門喧隘如
官府錢容黃勝金金氣白過乳咄嗟盼睽間粟出
如風兩憶昔陶淵明乞食意何取不能安五斗而
有終身苦矢之以冥報氣結傷千古

長門怨

何嬌倚極寵無那妒偏叢思寵一朝絕冷落長門
宮中宵聞鳳琯複道回雕輦千門待月明珠簾向
空捲月落不上天銀河空復泣君心與妾心安得
更繾綣

有烏篇

庚辰仲春毘陵舟中逢老母誕辰作

有烏有烏鼓翼鳴阜銜一粒粟歸餉其母

解此粟

雖微本自玉山禾願母食之歲歲長不饑

解朝出

求食暮出求食茫茫廣野霧露充塞烏不得食鳴

聲惻惻解烏饑奈何吻噪喉乾不惜喉乾腹如迴

瀾我猶終日鳴悲酸誰持麋餽為母餐

從軍行二首

八月桑葉落 兵寇雁門烟塵蔽千里戰士如星

奔彎弓射鳴鏑漢月隨南轅歸來麟閣上意氣感

君恩

石臼前集

卷一

家在藍田下往來塞上亭射獵無朝暮長驅塞草
青孤軍忽轉戰獨當單于庭威聲振絕漠叱咤凌
風霆凱逐降王返勲將良史銘更聞歌荻杜清廟
未須局

紫驢馬

春日叢臺下垂楊夾路隅採桑淇上女挾瑟邯鄲
姝翩翩紫驢馬蹀躞行中衢鳴鞭過柳市巧笑生
羅襦誰憐閨裏妾日夕詠薜蘿

隴頭水

驅車上隴阪隴水流不絕一聞流水聲行人共嗚

咽嗚咽不在冰水中有白骨昔日長城卒遠向臨
洮沒魂飄沙漠間怨入水聲裏水作東西流嗚咽
無時已

少年行

三川年少子結交五陵遊玉鞭驅白馬彈鋏上青
樓裴徊看楚舞慷慨聆齊謳朝過井里聶暮託夸
門侯探丸下長樂仗劍臨西州忽逢魯勾賤爭博
久淹畱誰能天祿閣日共雕蟲謀

獨漉篇二首

獨漉獨漉水清泥墨泥墨弗恤水清魚泣飛彈無

石臼前集

卷一

三

聲彈彼文禽鴟梟鼓翼鳴於中林豫且制龍醢腸
菹肉蜉蝣蜿蜒乃得飽腹上山採樵爰命斧斨猗
蘭雖微繫於天王河伯有臣其名曰獺饕餮食鮐
乃籌厥伐雄劍鳴劊欲報大恩世謂鉛刀子勿復
言

獨漉獨漉水深泥汨有舟有梁勿用疑惑暈暈雄
雉呈於兔罝子欲活雉何得咎噬黃雀近人不避
彈射國相有思不如縲綽神龜見夢反損厥壽孔
公贖之左顧在紐遭驥太行斫軼叱羈服廂如故
流涕奚爲手持颶風宜送飛鴻爲鳶削木塵彼太

空

空城雀

黃雀出深林翩翩向城闕城中倉廩高飛食倉中
粟偶遭挾彈子彎弧氣輝赫少年饜盤餐不假汝
充腹棄汝與蒼鷹顧盼不肖搏饑肉太息語少年
慎勿矜汝能翩翩挾彈雖可觀意氣猶不如蒼鷹

枯魚過河泣

孟津有神魚鼓鬣生雲霧昔曾入王舟王師爲歌
舞一朝失深淵見困於網罟自知神物貴波濤不
得阻天吳及靈鯨旦暮相勞苦行過大河岸隕涕

石臼前集

卷一

四

忽如雨作書與鮐魚涓滴幸分與變化安敢希聊
取潤焦腐

秦女卷衣

長安木葉落宮中秋氣悲君王歌吹罷妾侍卷衣
時彩月絢瑤席薰籠隱綉帷金壺鳴永漏終夕有
恩輝顧以微軀賤流光安可希

雉子班二首

蒿離離雉斑斑雉子翼錦如爛野田側蓬蒿間其
母出求食雉子望母還飲啄相隨去畢志殉茅菅
幸懷耿介意不慙軀體孱寄謝虞羅者金籠安足

攀

雉子錦斑爛翩翩備五色雄雌咿喔鳴相將距咫
尺一朝絰網羅勇決奮一擲其肉供鼎俎其義存
金石遂使樊夫人三歎不能食

上之回

漢帝慕蓬瀛仙人樂五城蓬瀛不可覩雍時驚華
旌北出回中道遠過甘泉營輝煌屯萬乘四顧沙
漠清雲中紛翠蓋云是安期生旁有赤松子驂龍
來相迎參差不一遇荒淫終何成遂今崆峒上長
留萬古名

石臼前集

卷一

五

猛虎行

採樵入深山猛虎狸文斑猛虎據地吼齒牙欲相
關骨肉充腸胃流血布草菅恣睢但飽食豈顧賢
豪間爲我謂猛虎咆哮亦何麤食人損爾德寧異
狸與狐騶虞不折草休聲播皇都騶虞何其仁猛
虎何其愚往謝泰山君人肉安可鋪

空城雀

啾啾空城雀飛栖逐籬樊安卑固定分饑困亦有
端羣雀噪野田飽食棄其殘猥欲掇所棄躑躅鳴
悲酸中情庶往訴仰視雲中鸞鸞饑方欲食復無

金瑯玕

短歌行

飲不汲貪泉行不休曲木貪泉令人貪曲木令人
曲繇來志士懷十步九反覆西山兩餓者羞食鹿
臺粟日月有銷滅採薇歌不足此意仍勿傳銜悲
向空谷

游俠篇

飈風大宛馬俠氣并州子雕鞍錦障泥寶劍黃金
韋飲酒新豐市結客深井里千金爲母壽片諾許
人死手把於期頭征輪向西指歌動易水寒冠衝
石臼前集 卷一

白雨四章

白雨絲絲黃塵瀾瀾蜚螭饑食塵中未夸 入揖
古人命車虛左出逢車聲呼子螺贏 鶴饑啄影
有啄斯馨死則瘞爾躑躅其銘 耕必有耦賈亦
有仇淫淫雨絲活活苔秋匪沮匪鮑遑恤我憂

行路難

君不見南山白石白楚楚雕龍輦作明堂礎君不

見東海大珠光燦燦一朝按劍遭零落白龍在淵
蛇蟠泥雞無鳳羽梧桐栖扶桑半枯若木死春風
未老寒蟬嘯行路難慎勿迷詠史謾尋牛渚月千
秋無復謝征西

秋蟲引

百蟲團團鳴一燈其聲浙瀝川流水久之月出照
虛幕坐矚冷光身上著月光散落冰澌中夜涼安
可聞秋蟲

牧牛詞

牧童牧牛亦牧犢沿溪放牛一白額秋田將熟牛
石臼前集 卷一
尾禿犢角如栗摩其腹食草眠草犢相逐牛背童
子清溪曲茭叢雄雞高兩足射以短箭抱滿束落
日跨牛過溪宿牧牛在溪勝在谷明日射雞乘早
旭

姑惡鳥

姑惡鳥姑惡鳥汝形雖微汝舌巧昔日爲婦姑不
惜姑不汝惜憎汝古形雖變化舌猶昔慎勿打黃
鶯慎勿彈黃雀亦莫挑弓射雙鴨爲我彈去此微
禽不使牕前叫姑惡

烏夜啼二首

北風吹林響枯櫟明星在樹光的的東方月出聞
烏嘯夜半霜清毛羽濕驚飛歷亂更相呼遶樹千
迴影不孤林中殘葉舞窸窣枝上嘯聲轉蕭瑟烏
夜嘯勿鳴咽寒林幾日回葱蒨弩力成巢將爾雛
雛飛八九逐雙燕

空林寂寂宵正永青燈熒熒光愈耿天邊月作樹
頭霜樹上烏生地上影一夜嘯聲迴北斗嗟峨老
樹空相守東枝西枝飛幾回瞳瞳曉色穿林數聯
翩散盡暮仍還凍羽珊珊不暫閒乍可嘯殘白門
柳不教飛上紇干山

石臼前集

卷一

行路難十二首

駕我車策我馬飛蓋飄飄去中野居家咨嗟不得
意爲欲適我同心者東至泰山西黃河河水如山
山峨峨摧輪覆轡將奈何人生安得久離別紅顏
銷盡憂思多行路難行路難聽我歌丈夫貧賤無
不可慎勿流浪成蹉跎

秋風捲枯籜歷亂東西南北飛遊子見之竊歎息
不覺流淚下沾衣人生相命直坎壈百年刺促將
安歸爲君抵節歌行路吞聲掩抑氣已微
君不見銅雀臺井幹百尺松風哀君不見金谷樓

美人一去成千秋只言貧賤不得意富貴失意良
更多只言貧賤長寂寞富貴寂寞空悲歌繁華寧
得久相戀海水滔滔東逝波請君獨力挽海水海
水不回君奈何

君不見長安少年子生來不讀詩與書結交金張
七葉貴撞鐘鼎食華堂居盤中珍膳五侯送腰下
雜珮懸碑礫指麾顧盼有光彩自謂驕奢人不如
卻笑倪生何落拓南山日出帶經鋤

結髮爲君婦盛衰好惡不相棄少年桃李對芳菲
倏忽遠道成離異落花不復著故枝安保容顏無

右由前集

卷一

凋悴當昔盛年時棄我如鴻毛何況今日顏色改
君心寧得無波濤人生快意那能久行嗟坐歎心
鬱陶

君不見三春霍薜爭艷陽秋風捲入雲中翔昨日
紅顏如露薜今朝對鏡忽自傷盛年一失豈再得
况復抑鬱枉摧戕生世不得一日樂黃蘗白骨斷
人腸

君不見塞上鴻羣起聲嘶嘶北風雨雪忽飄散悲
鳴求侶西復東結交青雲子謂言頭白同生死豈
知意中已索莫昔時膠漆今流水由來輕薄盛繁

華袷服雖美中情鄙寄言甕牖平生友我當與爾
偕終始

對酒忽不樂仰天長歎自錯愕少年榮盛今安往
面顏枯瘦忽如削自古聖賢皆坎珂我今不怨長
蕭索日月棄我不相顧形骸倏化歸冥漠感君相
勸強作歡悲從中來淚雙落

君不見原上草芊綿亦何好秋風相欺凌摧折不
待老丈夫失路心煩冤衆中愁歎口不言衆人多
歡爾何憂含妻發歎各有絲經秋蒲柳須凋隕安
得繁霜不滿頭

右白前集

卷一

羈旅向他州寒暑代換忽如擲骨肉相契濶夢中
髣髴覩容色晨起炊作糜駕言返鄉域故鄉可盤
桓如何久行役人生日與骨肉遠雙鯉迢迢亦何
益

君不見梧桐枝上蜩斷續悽悽厲鳴商颼風前嘒嘒
仍未已玄雲朔雪已飄飄千里復千里一朝更一
朝祇道紅顏愁裏盡邴容白髮鏡中銷

諸君幸勿歎聽歌行路聊自寬嚴冬草木委霜雪
披拂春風還可觀世間苦樂更回換反覆豈異波
與瀾我有嘉肴并旨酒平生親故聲交驩讌樂從

朝恒至夜莫令北斗空闌干

古別離

春日春楊柳飛花滿御溝
含情綺閣上離別恨悠
悠年年離別遙相待賤
妾容顏已應改青樓夢罷
曉鶯曉絨書絨怨到遼
西蕩子長征何日返頻蛾
拭淚關山遠萑蒲出水
葉生齊直待花開歸已晚

古塞下曲二首

涼秋八月烽火平沙磧連迫
營屬國猶稽大宛馬朝廷
復遣貳師兵鐵衣遠度天
山道萬里征行絕水草
笳夜起月漫漫騎星奔沙
浩浩蒲石日前集

卷一

十一

桃首宿世應稀漢使河源
幾日歸不及參差青海
鴈年年一遠上林飛

朔客懸吳鉤橫行出隴頭
塞下大小百餘戰白髮
仍戍交河流交河凍合無
流水邊庭雪淨黃雲起
蕭條五月南風吹白草連
天幾千里

燕歌行

東風淑景上蘭條翠羽啁
啾啄井桃春鶯競入楊
花轉代馬長銜首藉驕陽
關西去無消息玉鏡盤
龍惜顏色蘇合薰香透錦
緋蒲桃引蔓垂瑤席霜
落江南鴈始飛陰山瀚海
雪霏霏左賢欲遁猶催

戰太白高懸又合圍高樓粉黛傷遲暮
黃河冰堅不可渡三五明月更誰憐
十二金人那能鑄妾望迢迢玉塞中
聞歌荻杜泣春風龍庭何歲無征戰
能得紅顏幾度紅

從軍行

臨洮西北接燕然單于亭障迴臨邊
已向朔方窺右臂更出雲中感左賢
長安少年事遊冶鬪雞挾彈章臺下
飲酒不厭金巨羅出塞能騎渥窪馬
聞道分兵救白登玉門關外片雲凝
南山石沒藍田羽北地烽連瀚海冰
嚴冬雪斷天山草拓地因開石日前集

卷一

十二

烏栖曲

繡戶鶯曉曉聲雜百鳥河堤楊柳覆
金羈夜夜烏栖楊柳枝不見汝南王
相憐劉碧玉碧玉嚙蛾恨轉生只爲
烏嚙曙相促

飲馬長城窟行

萬騎寇朝那北地雲中戰馬多烽火
朝連蒲

類海征人夜戍金微河征人臨夜發馬上看明月
寒風縮馬毛一飲長城窟長城窟中水如乳可憐
白骨相撐拄當時築城因備誰道長城卒辛苦
如雲萬里莽蕭蕭西起臨洮東遼遠馬嘶鳴不
敢度縱橫白骨無昏朝飲馬長城氣蕭索流水聲
悲淚雙落亡秦者別有云安取築城連大漠今
年鬼哭長城中明年鬼哭望穹宮長城築罷扶蘇
死渭水東流恨豈窮

關山月

冉冉枯蓬散遠天亭亭月出滿秦川秦川織婦鴛

衣日可集

集一

鴛錦孤月徘徊照孤寢幾日焉支落漢家玉門迢
遞尚應遮空憐塞外傳力斗獨傍關山眺月華

隴頭吟

長城戍客秦川發秦川千里看明月金鞍白馬隴
城西隴水潺潺傷馬骨雲中飛將屏藍田往來射
獵南山邊一矢曾驚石沒羽仰觀太白臨天五
將分兵出洮水嫖姚已奪單于壘平生百戰更誰
憐卻使三軍怨桃李

巫山高

巫山巫峽已重重空中秀出神女峰東連黃牛西

白帝參差黛色何迢遞襄王昔上陽雲臺神女嬃
娟安在哉形影夢寐一朝滅玲瓏宮館沉蒼苔猿
聲斷續高唐路宋王虛傳有詞賦千秋寂寞望煙
巒空識朝雲往來處

公無渡河

刺船臨河河廣苦無梁披髮一叟提壺漿臨流欲
渡河湯湯其妻止之隨以亡哀聲淒惻不可當河
廣無梁亦無楫與舟鼃鼃崢嶸食人安冒休淩河
溺死河悠悠瑩瑩篋千載令人愁

車遥遥行

石印前集

卷一

古

夜寒霜白鷄喔喔僕夫牽車出茅屋行子登車天
未明家人門外聞車聲車聲漸遠天漸曉谷轉山
迴路繚繞人生作計難自量在遠日多在家少車
遙遙遙遙向千里長江有岸海有涯車輪輾處紅
塵起

寄遠曲

明星歷歷光可摘鯉魚澈澈鮮可食欲烹鯉魚憶
遠人忽得狂夫書一尺開書讀罷淚長流欲報狂
夫未有由雲中一鳥忽高翥下來爲我銜書去

擊筑吟

漸離擊筑燕市中蕭條四顧來悲風逡巡一奏咸
陽宮咸陽宮中近至尊虎豹猙獰門九關筑聲斷
續如相迫噫彼矐者子諸侯客

薤露行

薤上露易晞還易滋人無千歲壽意氣何能爲不
見當時海島上膝前按劍吐雄辭築成高塚徒藏
藥平生孤憤將安施

蒿里行

古樹白楊道塚墓何磊磊白楊無故枝慘澹成蒿
里前人已沒續後人後人已沒前人陳東風歲歲
石日前集 卷一 五
吹芳草蒿里千年不復春

飛龍引

軒轅戮蚩尤垂衣尚清玄鑄金貢九牧匪爲求神
仙鼎成騎龍凌紫煙衣冠寂寞橋山邊武帝宮中
築桂館金莖玉露如流泉緱氏虛畱大人跡蓬萊
不見空迢迢鼎湖想像飛龍處仰望青天涕泗漣

精衛謠二首

精衛銜木石飛飛爾不棲朝飛海東暮海西口中
流血將誰訴海水茫茫尚如故
精衛銜木石朝飛暮飛折雙翼爾不見夸父逐日

成鄧林思欲填海爾何心鄧林之木有時盡東海
東流萬古深

長安有狹斜行

長安二月盛繁華陌上飛花滿狹斜玳瑁梁間雙
燕子飛來飛去遶盧家盧家小婦吹玉琯繡戶凝
粧長繾綣桃李花飄未忍看此際雙蛾早生怨遊
絲宛轉掛雕甍黃鳥關關無限情密密霏煙籠芍
藥垂垂結子墮紅櫻紅櫻欲墮風光晚芍藥聊持
堪贈遠簷前粉絮漸飄颻鏡裏容華惜婉婉從將
錦字織鴛鴦機慙勤更賦盤中詩盤中機上無窮恨
石日前集 卷一 六
讀罷題殘淚轉滋金羈白馬長安市浪作邊庭游
俠子十年征戍未曾還一夕愁心去千里

野田黃雀行

野田雀東西飛毛羽非珍脂不肥側有網羅何以
施衆雛啁啾爾何之雛安在蓬蒿下鷹鷂雖甚武
意在鴻鵠不在汝

戰城南

戰城南救城北城南血流川城北積尸多腐肉烏
鳶啄人肉飛起何連連徘徊不肯食銜之倒掛高
樹顛城中六親不相憐無人出收骸歸葬城南邊